

2019/O1/037

REPONSE DE M. Saveriu LUCIANI
A LA QUESTION DEPOSEE PAR Mme Marie-Anne PIERI
AU NOM DU GROUPE « PER L'AVVENE »

OBJET : ANTICIPATION DU RISQUE DE SECHERESSE.

O Sgiò Presidente, cari collegghi, cara amica ghisunaccese,

Mi punite, cum'ellu hè stata fatta à l'ultima sessione, una quistione di primura. Di pettu à una'annata chì, rispettu parlandu, sente a sicchia, mi pare capita è certa chì quella di l'acqua cumacca à tutt'ognunu quì, è di manera più chjara, u Populu Corsu, da e so piaghje à e so sarre.

Cum'è di marzu, vi possu dì chì i matrali di l'offiziu sò pieni à 100 per centu, quelli d'EDF dinò. Ma sapete ch'ellu ùn vole micca à suddisfaccine è frazà a risorsa, nè mancu fà crede chì l'affari anderanu bè sin'à nuvembre. Per contu nostru, simu à 100 per centu di riempimentu, dinò per via di l'annata 2018 più chè diviziosa, ma dinò d'una azzione nostra à prò d'una gestione di prevenzione anninca.

In fatti, 2019, l'amu appruntatu dipoi annu è circhemu dipoi marzu à risparà e riserve è dunque à mantene i matrali pieni. Ci vole à salutà a cuuperazione, oramai tradizionale, d'EDF chì gestisce i so lavi tenendu contu di i nostri bisogni, quelli di a CAPA è di a CAB. Cusi chì à l'entre maghju, ci permette d'appruvistà circa 80 milioni di metri cubbi in tuttu.

In tantu, ammenteraghju e riunione di u CSH chì permettenu d'almanaccà à a bella megliu una strategia cullettiva à prò d'una gestione in cunsequenza, cù tutti l'attori pubblici o privati, da i servizii di u Statu à EDF, Mettèu Francia, u mondu economicu è agriculu, e camere, l'eletti, tira avant'è passa.

Eccu l'ultime conclusioni di u CSH territoriale di u 15 d'aprile :

- Hè sicchia, ancu s'è à stonde pare ch'ellu piovi,
 - Neve scarsa in muntagna cù e conseguenze per l'alimentazione di i fiumi,
 - Un'idrulugia trimestriale ch'ùn serà mai vista, in parechji rughjoni, dipoi vinti è ancu cinquant'anni – u statu di i fiumi hè oghje ghjornu simile à l'epica di l'entre lugliu -,
 - Parechje chene sutterranie sott'à cuntrollu
 - è perfine u pocu di l'umidità di a terra ch'hà fattu anticipà l'irrigazione agricola.
- o in Balagna à u matrale di E Cotule misure per bunificà a qualità di l'acqua (usseggenazione è analisi sistematiche)

o mubbilisazione di a Figarella per alimentà a reta in diretta è cusì permette di mantene pienu u matrale di E Cotule per avà.

o messa in piazza d'un dispositivu di telegestione in Nota, in Purtivechju, da permetteci di gestisce megliu l'usu di a risorsa di i matrali di U Spidali è Figari

o in piaghja a messa in funzione di a stazione d'Alzitone (2 milioni) è a rinuvazione di u surpressore di Vergaghjola

o a custruzione di u surpressore di Tagliu à partesi da settembre per a cunezzione trà Golu è piaghja

o u rinforzamentu di e canalisatione trà Trè Vadine è e riserve di piaghja per accelerà u so riempimentu.

o Reunione misinche di u CSH

Per contu nostru, ancu s'è ùn vi possu allistinà l'operazione, vedite ch'è no cuntinuemu a programmazione di u PEI è l'investimenti previsti, ancu s'ellu s'aspetta sempre risposte precise da a parte di u Statu.

Ammenteraghju azzione d'ottimizzazione per quis'annu :

o Mubbilisazione permanente di e squatre tecniche di l'offiziu per qualunque intervezione nant'à e rete. Sò state create quist'annu duie squatre à posta.

Cù ciò ch'ellu si face à cort'andà nant'à e rete, rimpiazzamentu di canalisatione stallazione d'apparechji di cuntrollu per migliurà i rendimenti è perfezzionà i mudelli di gestione è di cunsumazione, tir'avanti è passa.

Eccu, per compie vi ricordu ch'ella ci impreme a cuncertazione cù u mondu agriculu ch'è no scuntremu oramai di manera rigulare è ch'ella hè prevista una campagnata di sensibilisazione da a Cullettività nant'à l'usu ragiunatu di l'acqua, in leia cù l'attori economici, i corsi, e cullettività è e camere, moltu più in tempu di frequentazione turistica impurtante.

Dopu à a cartula firmata di lugliu cù e filiere agricole è un ciculu programmatu di riunione cù e filiere, vi ricordu a impurtanza di mette in pratica a strategia glubale d'adattazione à u cambiamentu climaticu, u pianu elaboratu da u Cumitatu di Vascone di Corsica, primu passu cullettivu d'una strategia chì serà ufficializatu à l'entre maghju.

Per cunclude, sappiate ch'ellu ci tocca à piglià in contu stu cambiamentu climaticu di modu glubale, chì hè in core di l'azione à vene d'ogni pulitica publica. Hè l'affare di tutti !

À stui patti, capite bè ch'ellu ùn si tratta mancu più d'anticipà ma per u più d'appuntà di manera sistematica, ghjornu per ghjornu.

Intantu, amica, fermu di sicuru à a vostra dispusizione, sia per spiegazione o sippuru sviluppà più in là i punti allistinati quì sopra, sia cù i servizii di a missione Acqua di a Cullettività o puru cù quelli di l'Offiziu Idrolicu di Corsica.
À ringraziavvi